

筆花醫鏡

述盦

民國三年仲冬

筆花醫酒鏡

海陵袁蔚山題

重刻醫鏡序

醫之道大矣哉素問難經傳自上古逮張仲景而下名醫輩出各有撰述無慮數十家總若干萬言蓋醫為生死攸關故所以闡發而指示之者諄諄乎不厭其詳也顧諸家之書多本其性情學力之所近抑或因時因地寓補偏救弊之苦心若黃岐遺編則又鉤深探幽粹難窺其涯矣學者不能融會而折衷之乃徒剽竊膚辭拘溺陳方以嘗試于出生入死之際盲于心而昧于目欲其如鏡照物也難矣歸安江氏筆花者醫鏡一冊首叙諸證受病之由次分五臟六腑表裏寒熱虛實之見證而各以方藥大概列于後以次及于稚于婦人靡不備焉蓋取諸家之精言融會而折衷之故雖寥寥四卷而句斟字酌神明變化能使閱者豁然心目間至其論察病之要在望與問而不徒以據脉定証作欺人之語則卓然自抒所見生面獨開名之為鏡洵不愧也爰付梓重病用廣流傳俾善學者慎思而明辨執簡以御繁於受病之源及現証之淺深夷險瞭如指掌朗若列眉吾知審方投藥起死回生必將有旋至而立效者則是書也誠不啻照胆之秦鏡也豈第洞見垣一方人已哉

道光二十四年十二月初吉安邑李天錫與三氏識

序

適得筆花醫鏡一編捧閱之餘竊喜註証分明列方詳慎刪繁就簡開卷了然而其中論肝氣之何以治與頭痛之所以然則于余尤為愜心憶先贈君偶患肝氣當時悞投藥劑竟至不起今是書論治肝之法剖晰詳明向使早閱是書何至為醫者所悞則甚矣余獲是書之晚也現太宜人患頭痛者三十餘年徧覓良醫迄未一得余于是編雖未敢輕以相試要其竟委窮源各有治之之法設病非沈痾當必霍然奏效今夫人子之事親也苛瘡抑搔之外每遇床第呻吟莫不百方圖治而遐陬僻壤或有力而無處延醫茅舍窮簷或有醫而無力延致使于是書早為留意庶有旁乎歸安江公為濟世之苦心余因其板在山左乃重刻而廣其傳實欲為世之事親者得一助也是為序

後明家輩出議論紛如而合諸病情變幻有難以按圖而索驥者暇何人斯而敢以一二淺言謂足以罄乃事乎然至變者病而可見者特乎形至精者醫而可據者特乎理以形求理即以簡馭繁達乎此通乎彼固有千萬言所不盡能而一二語足以賅之矣暇自中歲究心醫學往來于江浙之間深知其難亦不敢自安于拙迫服東粵學漸荒蕪而習見此邦醫士如文家相題布局理法未清其何以司活人之柄耶病家固不甚講求但以神鬼為福即偶醫診而默受其悞者亦終莫之知是誠不服藥為良矣可慨也夫暇久思引救礙于官箴茲將引退還山畧舉其要鑄為一編俾人人得有簡要之方偶一症自可按對病情審為何臟何腑是陰是陽不乘乎表裏虛實寒熱之真即知為心肝脾胃肺腎之疾症既洞澈約自效靈較諸受命于瞽以身為鵠者其損益可昭然判也誠願有志者熟玩是編據為要領而旁參諸大家之說自可一覽了然將近以事親遠以濟眾於生靈不無稍補焉是為序者

道光四年孟夏之月上潯浙江歸安江涵暇自序

例論

數頁書豈能療千萬病然有綱舉目張之法蓋病總由臟腑總不外虛實寒熱審知其為何臟何腑之虛實實症寒症熱症而聯其病類以集之則藥歸同路療一病可療千萬病亦無不可固不在多立病名多立方書也此所謂鏡也

凡人不願知醫者以卷帙浩繁見而生畏不知從何學起也茲但言其現何病象係何臟腑作何治法寥寥數語亦易知矣其一切經絡源委概不縷叙避繁瑣也若欲究其全則自有諸名家書在

用藥如用兵須量其材力之大小蓋有一利即有一弊如大補大攻大寒大熱之品誤用即能殺人各部後分為猛將次將俾閱者不敢輕用亦必斟酌分量庶知利害

人生一小天地病之輕者如日月之食不轉瞬自必回和斷不可輕易服藥恐益乎此則損乎彼也暇閱歷既久悉知其故蓋受眾怨不輕徇情此事如老將臨陣大賁航海愈歷鍊而愈知畏耳

是書淺近說法別無精意不過願人人稍知醫理不為庸醫所誤以延壽命且鄉僻間不及延醫者亦可對症自醫取其便耳至醫家讀書少而閱歷淺者得此亦有頭緒稍知把握便可活人

醫家首在立品古人云行欲方而智欲圓心欲小而胆欲大人之性命在我掌中專心揣求尚虞有失此事豈同兒戲乎若一涉利心則貧富歧視同道相攻偽約欺售置人命于腦後矣試仰觀蒼蒼者何物耶而為病家者亦宜以上賓禮貌相待須思此人為我父母妻子救命而來並非剃頭剔脚者可任我招

是編總挈之處用口分晰病由用△証明病狀用、切要處用○

是編大半採仲景東垣景岳鍾齡諸家之說亦述而不作之意凡古人立方寓有精意然斷不可呆用余嘗見淺醫未經閱歷者暑倦輒用清暑益氣湯而不知黃芪之悶遇熱喘輒用生脉散而不知五味子之斂卒至暑熱伏留纏綿牀褥而斃甚可哀也他如六味地黃湯及麻黃湯桂枝湯等必須斟酌萬萬而定或用次將之品代之否則一誤之下不挽回歸咎古人古人豈任受哉

目錄

卷一

診脉歌

望聞問切論

內傷外感雜治說

虛勞論治

望舌色

表裏虛實寒熱辨

傷寒症治

疫痢瘡腫論治

卷二

心部

脾部

腎部

膀胱部

大腸部

三焦部

肝部

肺部

胃部

膽部

小腸部

心包絡部

卷三

兒科目錄

兒科論治

外熱內熱辨

痰火閉症

大驚猝恐

初生保治

非驚論

木侮土症

夜啼

吐瀉

傷暑

食積痞積蟲積痰積水積

疳症

盜汗自汗

咳嗽

解顛龜胸龜背

此外諸症治法與方脈同故不贅敘

卷四

婦科目錄

婦人證論

月經

室女

帶下

肝氣

胎前諸症

嗣孕

產後諸症

臨產將護法

天台程鍾齡女科一卷悉從諸大家論說中斟酌盡善而出之字字毫無遺憾並無近世臨証指南等纖巧習氣故依治每收實功茲卷大半宗此以為女科正範此外諸症與方脈同治者概不贅叙

診脈歌

病人雙腕仰。高骨定為關。

依掌後之骨定為關

脈寸脈量虎口。尺脈準臂彎。

關前距虎口一寸故曰寸

關後距臂彎一寸故曰尺

左寸心胞絡。左關

胆與肝。左尺司何職。

膀胱腎係焉。

右寸胸中肺。胃脾屬右關。

要知大腸腎。

右尺自照然。

口鼻一呼吸。脈來四五跳。此是無病者。平和氣血調。三至為遲候。六至作數數。遲則寒之象。數則熱之標。一二

寒愈盛。七八熱更饒。

輕舉得皮面。表邪脈故浮。若是病在裡。重取須沉求。洪長徵實健。細弱識虛柔。水濕並痰飲。滑利又弦道。緊促

氣內亂。伏瀆氣疑留。妊娠中止代。失血中穴扎。

代脈中止。祇此尚易見。

其他渺以幽。

望舌色

舌者。心之竅。凡病俱現于舌。能辨其色。症自顯然。舌失主心。舌中主脾胃。舌邊主肝胆。舌根主腎。假如津液如

常。口不燥渴。雖或發熱。尚屬表症。若舌苔粗白漸厚而膩。是寒邪入胃挾濁。飲而欲化火也。此時已不辨滋味

矣。宜用半夏藿香。迨厚膩而轉黃色。邪已化火也。用半夏黃芩。若熱甚失治。則變黑。胃火盛也。用石膏半夏。或

黑而燥裂。則去半夏而純用石膏。知母麥冬花粉之品以潤之。至厚苔漸退。而舌底紅色者。火灼水虧也。用生

地沙參麥冬石斛以養之。此表邪之傳裏者也。其有脾胃虛寒者。則舌白無苔而潤。甚者連口唇面色俱痿白。

此或泄瀉。或受濕脾無火力。連宜黨參焦朮木香茯苓炙甘草干姜大棗以振之。虛甚欲脫者。加附子肉桂。若脾

熱者。舌中苔黃而薄。宜黃芩。心熱者。舌尖必赤。甚至起芒刺。宜黃連麥冬竹捲。心肝熱者。舌邊赤。或芒刺。宜紫

胡黑山桅。其舌苔厚而黃者。胃微熱者。用石斛知母花粉麥冬之類。若舌中苔厚而黑燥者。胃大熱也。必用石

膏知母。如連牙牀唇口俱黑。則胃將蒸爛矣。非石膏三四兩。生大黃一兩。加黃金汁。人中黃鮮生地汁。天冬麥

冬汁銀花露大劑之投不能救也。此唯時疫發斑及傷寒症中多有之。余嘗治一獨子。先後用石膏至四十斤。餘而斑始退。病始退。此其中全恃識力。再有舌黑而潤澤者。此係腎虛。宜六味地黃湯。若滿舌紅紫色而無苔者。此名絳舌。亦屬腎虛。宜生地熟地天冬麥冬等。更有病後絳舌。如鏡發亮而光。或舌底嗑乾而不飲冷。此腎水虧極。大劑六味地黃湯投之。以救其津液。方不枯涸。

望聞問切論

望者看形色也。聞者聽聲音也。問者訪病情也。切者診六脉也。四事本不可缺一。而唯望與問為最要何也。蓋聞聲一道。不過審其音之低响。以定虛實。嗽之悶爽。以定升降。其他則無可聞也。切脉一道。不過辨其浮沉。以定表裏。遲數以定寒熱。強弱以定虛實。其他則胸中不了了。指下難明。且時大時小。忽浮忽沉。六脉亦難準定。故醫家謂據脉定症。是欺人之談也。惟細問情由。則先知病之來歷。細問近狀。則又知病之淺深。而望其部位之色。望其唇舌之色。望其大小便之色。病情已得八九矣。而再切其脉。合諸所問所望。果相符否。稍有疑義。則默思其故。兩兩相形。虛與實相形。寒與熱相形。表與裏相形。其中自有把握之處。即可定斷。慎斯術也。以往其無所失矣。

表裏虛實寒熱辨

凡人之病。不外乎陰陽。而陰陽之分。總不離乎表裏。虛實寒熱。六子盡之。夫裏為陰。表為陽。虛為陰。實為陽。寒為陰。熱為陽。良醫之救人。不過能辨此陰陽而已。庸醫之殺人。不過錯認此陰陽而已。假如發熱惡寒。鼻塞咳嗽。頭痛脉浮。舌無苔口不渴。此病之在表者也。如或潮熱惡熱。口渴燥舌黃。腹痛便澀。脉沉。此病之在裏者也。假如氣短體弱。多汗驚悸。手按心腹四肢畏冷。脉來無力。此病之本虛者也。若病中無汗。或狂燥不卧。腹脹拒按。脉實有力。此病之又實者也。假如唇舌俱白。口不渴。喜飲熱湯。鼻流清涕。小便清大便溏。手足冷。脉遲。此病之犯寒者也。若舌赤目紅口渴。喜冷煩燥。溺短便秘。或唇燥舌乾。此病之患熱者也。凡此皆陰陽之分也。至于邪盛正衰。陰虛火亢等。則又陰中之陽。陽中之陰。其間毫厘千里。命在反掌。辨之者。安得而不慎。

汗而熱即退。不必再服。但避風寒。忌油膩。未得汗。則再劑而止。若寒熱往來。欲作瘧狀。宜用柴胡分酒苓
分赤芍錢製半夏五錢甘草五錢大棗五錢生薑以和之。虛者加防黨錢。此其症在表。切勿妄用枳壳神耑麥
芽消導之藥。引邪入內。

裏治宜歸經也。有虛實。有寒熱。宜辨其病在何臟腑。而治之。法詳臟腑門。惟喜怒哀思悲恐驚。謂之七情。此
裏症之最難治者。但寬其心而藥始效。否則無益也。然症在于裏。大忌發散。散之則虛者汗脫。熱者煽熾。
醫者動輒用表。可懼哉。

虛治宜補也。然有陰虛。有陽虛。血虛者為陰虛。宜補其血。輕者用生地錢四錢首烏錢二錢歸身錢一錢酒芍錢一錢炙龜
甲錢二錢檀豆皮錢三錢海參錢三錢北沙參錢三錢之類。重者用熟地錢五錢枸杞錢三錢五味分黃肉錢一錢兔絲錢一錢以填之。氣虛者為
陽虛。宜補其氣。輕者用黨參錢三錢白朮錢二錢山藥錢二錢茯苓錢一錢甘草分紅棗枚生薑片之類。重者用人參錢黃
芪一錢以振之。氣欲脫則并加附子錢二錢乾姜錢二錢以回陽。若氣血兼虛。則陰陽並補。八珍湯十全大補湯。皆
之聖藥也。

實治宜瀉也。心有邪火。肺有風寒。脾有食積虫痞。濕熱。肝有鬱怒之氣。胆胃胞絡。膀胱大小腸。各能受邪。皆
為實症。治法詳各臟腑門。然治實。以速為功。苟遷延日久。病未去而元氣虛。則難消導矣。

寒治宜溫也。寒在表。則惡風寒。宜蘇荈錢藿梗錢荊芥防風各錢一錢前胡五錢杏仁錢三錢生薑三錢之屬。以散其邪。
甚則桂枝五錢麻黃五錢細辛五錢分寒在裏。則喜熱湯。宜製夏錢藿香五錢焦朮五錢製朴錢吳茱萸五錢焦穀芽
錢煨姜五錢砂仁五錢之屬。以煖其中。甚則附子分肉桂分干姜分凡寒症。唇舌必白。脉遲便利。腹或冷痛。一
投寒涼。入口立脫慎之。

熱治宜涼也。然熱症有實火。有虛火。實火之症。或因外感。或因內鬱所致。宜分臟腑治之。火之微者。黑山梔

一錢石斛三錢地骨皮錢青蒿一錢丹皮錢連翹一錢麥冬二錢花粉五錢銀花錢三竹葉五錢燈心一錢之屬甚加黃連一分黃芩五分或石膏錢四知母五分錢極甚則用大黃五分錢龍胆草分等虛火之症或陽虛外熱口不渴唇不紅脉不數宜四君子湯以補其陽若陰虛內熱舌或絳頭或痛目或乾過午便熱宜四物湯六味地黃湯以補其陰

內外傷感雜治說

前言表裏虛實寒熱六字病已盡在其中矣而表裏之中又有內傷外感之治焉內傷者裏症也而有氣血痰鬱四字之分外感者表症也而有風寒暑濕火燥六字之別再詳其法醫無餘蘊矣

內傷一曰氣氣虛者四君子湯若氣實而滯者宜香蘇散平胃散二曰血血虛者四物湯若血實而凝者宜手拮散三曰痰痰輕者二陳湯六君子若頑痰膠固變生怪症或停飲膈間宜滾痰丸小半夏加茯苓湯之類四曰鬱凡喜怒哀思悲恐驚皆可致鬱鬱小者起鞠丸逍遙散若五鬱互結腹膨腫滿二便不通宜神佑丸承氣湯之類此內傷之治也

外感一曰風真中風是也非表治中之偶感風寒也風有中腑中臟中血脉之殊中腑者與傷寒同太陽證加味香蘇散陽明用葛根湯少陽用小柴胡湯中臟者眩仆昏冒痰聲如鋸內有熱風寒風二種熱閉則先用搐鼻散次以牛黃丸灌之便結脹用三花湯冷脫則汗珠頭搖以附子理中湯急救之或三生飲中血脉者口眼喎斜半身不遂大秦羌湯加竹瀝姜汁勾藤二曰寒傷寒是也寒在表則與風之中腑治同寒入裏用附子理中湯法詳傷寒論三曰暑暑輕者但煩渴益元湯足矣暑重者汗喘昏悶消暑丸灌之寒包暑者頭痛惡寒而煩渴四味香薷飲加荊芥秦艽若暑天受濕而霍亂藿香正氣散主之更有乾霍亂症吐瀉不得俗名攪腸痧粥飲入口即敗危症也陳香元煎湯救之四曰濕或受潮濕食冷面黃身重平胃散治之若黃疸則目溺色黃茵陳大黃湯茵陳五苓散茵陳姜附湯若發腫五苓散五皮飲若滲入

六日火。治法詳于前熱治中。更審其臟腑。投涼則得矣。然中寒則暴痛。中暑則猝悶。中濕則痠寒。中火則
竅閉。皆能猝然昏倒。非中風而類中風。謂之類中。勿概作中風治。此外感之治也。

傷寒論治

傷寒之症。與春溫夏熱不同。溫熱症。頭痛發熱。心不惡寒。而口渴。若傷寒。則異是。其病由表而入裏。初起時。邪
在太陽膀胱經。則頭痛惡寒。發熱脉浮。宜加味香蘇散。或桂枝湯麻黃湯。柴葛解肌湯。繼傳陽明胃經。則目痛
鼻乾。唇焦不渴。宜葛根湯。再傳少陽胆經。則目眩耳聾。胸滿脇痛。口苦寒熱往來。頭汗脉弦。宜小柴胡湯。此三
陽傳經之表症也。失治則傳入三陰矣。其傳入少陰脾經者。則腹滿。痛下利。脉沉。宜大柴胡湯。其傳入少陰腎
經者。口燥咽乾。痛利清水。目不明危矣。宜小承氣湯。大承氣湯。至傳入厥陰肝經者。小腹痛。舌卷囊縮。厥逆。用
大承氣湯。或有得生者。亦有不傳三陰。而傳入太陰脾腑者。則口渴溺赤。宜五苓散。傳入陽明胃腑者。則譫語
狂亂。燥渴便閉。轉失氣自汗。不得眠。宜白虎湯。調胃承氣湯。以上謂傳經傷寒。因寒化火也。其有初起寒邪直
中三陰者。其症腹冷痛。吐清沫利完穀。踈臥肢冷。囊縮吐蚘。舌黑而潤。脉沉細。此寒症也。中太陰脾。理中湯。中
少陰腎。四逆湯。中厥陰肝。白通加猪胆汁湯。急投勿緩。此係醫中第一要症。故專論之。

虛勞論治

虛勞之症。大症也。固由真陰虧損。虛火鑠金而然。而其始。大半由于外感。感邪在肺。則作咳嗽。治失其宜。則咳
不已。久咳則傷肺金。金傷不能生水。則腎水日枯。腎火日熾。上灼于肺。再復嗜色慾。受外邪以竭其水。而虛勞
成矣。間有本元不足。思慮太過。而心血耗。心火旺。腎水乾。肺金痿者。其受病不同。及其成功一也。此等症。多見
吐血痰湧。發熱夢遺。經閉以及肺痿肺癰。咽痛音啞。側臥傳尸。鬼注諸疾。唯在屏棄一切。不近女色。調飲食。慎
風寒。息嗔怒。靜養二三年。服藥可不。服藥亦可。自然生機徐轉。復其天和。非旦夕所能效也。然既有症。必治。列
方備擇。仍在其人之能自養耳。

咳嗽初起用止咳散加蘇梗以散之。如或不已變生虛熱者佐以團魚丸。若病勢漸深更佐以月華丸。若吐血先用四生丸繼用生地黃湯逍遙散之類。元氣虛五味異功散如氣血虛而熱八珍湯人參養榮湯俱可。咽痛用百藥煎散音啞用通音煎如道精用秘精丸。經閉澤蘭湯至五臟虛損則補天大造丸用藥之法不過如斯而已。此症十存一二其能存者皆自養之功非藥力也。

疫痢瘡腫論治

疫痢瘡三症最多腫最難治。故合提而論。疫有由天時者有由人染者。由天時則邪從經絡入為頭痛發熱咳嗽頸腫發頤大頭天行之類。用香蘇散普濟消毒飲治之。由人染則邪從口鼻入為增寒壯熱胸膈滿悶口吐黃涎之類。用神朮散藿香正氣散治之。此兩路之邪若傳入臟腑漸至譫語腹脹唇焦口渴者宜治疫清涼散承氣湯治之。總不越乎發散解穢清中攻下四法而已。痢症則生死所關良由夏秋之際暑熱在中而為風寒生冷所遏火不得舒迫而為痢也。熱者為赤寒者為白熱傷血分者為赤熱傷氣分者為白。初起時不宜妄攻宜葛根治痢散以解之餘邪未已裏急後重則用治痢奇方以清之。腹脹痛有堅積則用朴黃丸下之。日久脾虛五味異功散加白芍黃連木香清補之。氣虛下陷者補中益氣湯升提之。如邪穢塞胃嘔逆不食者開噤散啟之。此一定之治法也。瘡則輕于痢矣。寒邪入內陰陽相搏初起寒熱往來用香蘇散逐之。隨用小柴胡湯和之。三四發後止瘡丹加白蔻仁醋炒薑中以截之久瘡元虛六君子湯加柴胡補之。中氣下陷補中益氣湯舉之。此易治也。惟腫脹一症目胞與足先腫者水也。先腹大後四肢腫者鼓脹也。鼓脹症用和中丸。虛者白朮丸水腫症四肢腫而腹不腫者表也。腹亦腫者裏也。腰以上腫邪在表也。煩汗五皮飲加蘇葉秦艽防風荆芥腰赤小豆澤瀉車前草解防己。但煩渴便閉者陽水熱也。五皮飲加連翹黃柏黃芩。不煩渴者陰水寒也。五皮飲加附子干姜肉桂。先腫而後喘或但腫而不喘者胃經蓄水也。五皮飲照前加減治之。若先喘而後腫者腎經聚水也。金匱腎氣丸治之。此症最難收功。慎勿誤治。更有中風後熱傷經絡足不任地腿腫脹痛者此脉痿也用蒼朮黃柏苓連冬斛歸地苁蓉寄生草解丹參之類。又有腫痛在脚名曰腳氣風濕勝也。用麻柳防己桑丸。

首卷列方

六味地黃湯

滋水制火專治血氣亦可為丸

大熟地四錢

山萸肉

山藥各二錢

丹皮

茯苓

澤瀉

各五錢

八珍湯

治氣血並虛即四君四物相併

大熟地四錢

西黨參三錢

白朮

當歸

茯苓各二錢

白芍

一錢五分

川芎錢一

炙甘草五錢

加大棗二枚

十全大補湯

治陰陽並虛而畏冷即八珍湯加黃耆

肉桂六錢

茯苓二錢

炙甘草五錢

四君子湯

治氣虛脾胃不足之症

人參三錢

土炒白朮二錢

茯苓二錢

炙甘草五錢

加生薑二片大棗三枚。古方用人參如無力以西黨參代之

六君子湯

治氣虛挾痰即四君子湯加製半夏

五錢

陳皮一錢

香砂六君子

治胃寒吐瀉即六君子湯加藿香

錢一

砂仁二粒

五味異功散

治氣虛即四君子湯加陳皮

錢一

四物湯

治血虛肝腎不足之症

太熟地四錢

麥芽

白芍各二錢

川芎一錢

香蘇散

治時邪感冒頭痛發熱等症

蘇葉五錢

陳皮

香附各五錢

荊芥

秦艽

防風

蔓荊子

各錢一

川芎五錢

甘草五錢

加生薑三片

平胃散

治脾胃不和脹滿嘔吐霍亂等症

藿香五錢

厚朴二錢

蒼朮八分

陳皮一錢

二陳湯

治脾胃寒痰製半夏

陳皮

茯苓各五錢

炙甘草五錢

加生薑一片

棗二枚

手拈散

治血滯心腹作痛

元胡索五錢

五靈脂五錢

草果

沒藥各等分

右為細末每服三錢熱酒調下

滾痰丸

治老痰變生怪症

大黃

炒黃芩各四兩

青蒙石

沉香各二錢

辰砂二錢

以水為丸辰砂為末每服一二錢開水下

小半夏加茯苓湯 治飲停膈間加蒼朮更效 半夏錢 白茯苓各錢 炙甘草錢 加生姜三片

越鞠丸 治鬱膈痞滿 香附 山查 炒神曲 炒麥芽 川芎 蒼朮 炒梔子各等分

右為末水調和如桐子大每服五七十九開水送下

逍遙散 治肝經血虛木鬱 柴胡 甘草 茯苓 白朮 當歸 白芍 丹皮 黑山梔各錢 薄荷分

神佑丸 治沉積變病氣虛血壅滯濕熱風痰鬱結 黑丑兩 大黃兩 芫花 大戟 甘遂各錢 輕粉錢

右為末用皂角去子煎濃湯糊丸每服必瀉勿可輕用

大承氣湯治邪熱閉結或食積堅硬宜下之 大黃錢 枳實錢 厚朴錢 芒硝錢

小承氣湯 治症稍緩 即前大承氣湯去芒硝

葛根湯 治邪傳陽明以此解肌 葛根錢 升麻 秦艽 荊芥 赤芍各錢 甘草 半夏各錢

生姜二片

小柴胡湯 治寒熱往來少陽瘧疾口苦耳聾胸滿脇痛 柴胡錢 赤芍錢 甘草 半夏各錢 黃芩

一錢 人參分 生姜三片 大棗二枚

搐鼻散 治一切關症不省人事吹入鼻中有嚏者生 皂角兩 生半夏錢 細辛兩

右為細末入磁瓶勿泄氣

牛黃丸 治中風痰火閉結或喘嗽痰壅不省人事 牛黃 射香 龍腦以上各六錢 羚羊角 當歸 防風

黃芩 柴胡 白朮 麥冬 白芍錢 桔梗 茯苓 杏仁 川芎 大豆黃卷 阿膠各錢

蒲黃 人參 神曲各錢 雄黃錢 甘草錢 白斂 肉桂各錢 乾薑錢 犀角兩 山藥錢

大棗五十枚 金箔一百五十片為衣

附子理中湯 治臟寒將脫之症用以回陽 人參 白朮各錢 附子 乾姜 炙甘草各錢
三生飲 治寒風中臟六脉沉細 生南星 生烏頭 生附子各錢 生薑片 生木香

此方用人參兩許同投更有益

大秦朮湯 治風中經絡口眼歪斜等症 秦朮一錢 炙草 川芎 當歸 芍藥 生地 茯苓 羌活

獨活 白朮 防風 白芷 黃芩各分 細辛分 如陰雨加生薑三片同煎

益元散 利數清暑 甘草兩 滑石兩 共研極細末冷開水調服

消暑丸 治中暑昏悶 製半夏兩 茯苓 甘草各兩 共為末生薑汁糊丸

四味香需飲 治風寒閉暑之症 香需 扁豆 厚朴各五錢 炙甘草分

若兩足轉筋加木瓜茯苓

藿香正氣散 藿香 砂仁 厚朴 茯苓 紫蘇 陳皮各錢 白朮 製半夏 桔梗 白芷各分

炙甘草分

茵陳大黃湯 治黃疸熱閉 茵陳三錢 梔子 大黃各錢

茵陳五苓散 治陰黃小便不利 茵陳 白朮 茯苓各五錢 豬苓 澤瀉各分 薄荷分

茵陳姜附湯 治陰黃小便自利 茵陳 白朮 附子 乾姜各分 炙草錢 肉桂分

五苓散 治小便不通 茯苓三錢 豬苓 澤瀉各分 白朮一錢 桂枝錢

四苓散 治伏暑小便不通 茯苓即五苓散去桂枝

五皮飲 治胃經蓄水發為水腫 大腹皮 茯苓皮 陳皮 桑白皮各五錢 生薑皮分

秦朮天麻湯 治寒濕入絡肩背臂痛 秦朮一錢 天麻 羌活 陳皮 當歸 川芎各錢 炙甘草分

生薑片 炒桑皮錢 挾寒加桂枝

筆 花 醫 卷 一 文 益 書 石

蠲痺湯 治風寒濕三氣成痺 羌活 獨活各一錢 桂心五分 秦艽一錢 當歸 桑枝各三錢 川芎五分

海風藤二錢 炙甘草五分 乳香 木香各八分

桂枝湯 治太陽中風寒 桂枝 芍藥 生薑各一錢 炙甘草一錢 大棗四枚

麻黃湯 治太陽傷風無汗此方宜于西北 麻黃四錢 桂枝二錢 炙甘草一錢 杏仁十二枚

柴葛解肌湯 治溫熱症發熱頭痛不惡寒與傷寒異 柴胡二錢 葛根五分 赤芍 知母 貝母各一錢

生地二錢 黃芩 丹皮各五分 甘草五分

大柴胡湯 治傷寒邪入太陰 柴胡一錢 半夏六分 黃芩 芍藥各二錢 枳實一錢 大黃二錢

白虎湯 治陽明胃腑大熱 生石膏五錢 知母三錢 甘草一錢 粳米撮 若熱甚者倍之

調胃承氣湯 治胃熱譫語便閉繞臍硬痛 大黃三錢 芒硝二錢 甘草五分

四逆湯 治少陰中寒肢冷厥逆 附子五錢 乾薑五錢 炙甘草二錢

白通加豬胆汁湯 治陰盛隔陽熱藥不入 附子五錢 乾薑五錢 蔥白二錢 人尿半杯 豬胆汁五茶匙

止嗽散 治一切咳嗽 桔梗 荆芥 紫苑 百部 白前各二錢 甘草二兩 陳皮一兩

共為細末每服三錢初感風寒生薑湯下

團魚丸 治久咳將成癆瘵 川貝 知母 前胡 柴胡 杏仁各錢 大團魚一個重十二兩 以上者去腸

右藥與魚同煮熟取肉連汁食之將藥渣焙乾為末煮魚骨汁為丸如桐子麥冬湯日三服

月華丸 滋陰保肺平肝為治癆之聖藥 天冬 麥冬 生地 熟地 山藥 百部 沙參 川貝

真阿膠各兩 茯苓 獺肝 廣三七各錢

用菊花二兩桑葉二兩熬膏將阿膠化入和藥煉蜜為丸日三服每一丸

四生丸 治血熱妄行而為吐衄 生地黃 生荷葉 生側柏葉 生艾葉各等分